

ab omnibus hoc audientibus in eternum collaudabitur et
fama vestre bonitatis per hoc exaltabitur. Fecistis enim
quod facere debuistis cum secundus post dominum papam
locum beati Petri obtineatis, post dominum imperatorem
maior in imperio sitis. Vestram igitur cum quanta possu-
mus affectione rogamus, quatinus quod bene incepistis fine
debito terminare velitis et pecuniam quam duci reddidi-
mus nobis reddi quoad poteritis faciatis. Voluntatem itaque
vestram et placitum vestrum nobis significetis certissime
scientes quod nos ad omnem vestram voluntatem faciendam
promptissimos invenietis. Nobis etiam si placet aliquem
parentum vestrorum clericum sive laicum mittatis, et cum
vestre dilectionis intuitu ita promovere iurabimus, quod
dilectionem nostram erga vos non minimam sentietis.
Existente me ipso apud Chiron. xxv die ian.

Eodem anno defunctus est dominus Magnus vene-
rabilis